

en sijnen hemelschen vader gructe en
 dancken. **H**ir nae opten guede vrij-
 dach doemen onsen lieuen here cruce
 solde en sijn dede wtghedaen weren
 ontspronghen hem al sijn wondē ende
 al sijn liiff wort weder roet van sijne
 bloede ende stont daer naket voer al
 dat volck en began seer toe beue vā
 groter colde en smerte en beuede alsoe
 seer ouer al sijn liiff dattet ghebeente
 in sijn liiff al wort beuende als orige-
 nes secht. **E**n alsoe myt groten sonder
 barmhertich^t worpen die ridders dē
 sueten heren op dat cruce. **D**oe hie op
 dat cruce lach opter eerden sach hie
 op inden hemel en sprack. **H**ere vād^r
 ontferm dy ouer my ick wil my late
 wegghen op die waghē des cruces en
 setten mijn bloet teghen die sonden
 der werlt en mijn licham teghen di-
 nen toern. **H**ey hoe mochte die suete
 moeder doe toe moede wesen doe sie